

26-June--2026

आकाशवाणी

खबरां पवन वर्मा कोला

खास-खास खबरां:-

1. प्रधानमंत्री नरेन्द्र मोदी ते महारानी मैक्सिको (Queen Maxima) होरें भारत दी डिजिटल सार्वजनिक अवसंरचना बारे चर्चा कीती।
2. SIT दी सिफारशें दे मगरा श्री राम जन्मभूमि दान मामले च दर्ज होई FIR.
3. सरकार नै कर्मिश्यल LPG सप्लाई गी संकट थमां पैहले स्तर पर ब्हाल कीता ते क्षेत्रीय प्रतिबंध वापस लैता।
4. गृहमंत्री अमिता शाह होर 10मीं NCORD Apex Level बैठक दी अध्यक्षता करगन।
5. केन्द्री मंत्री गजेन्द्र सिंह शेखावत होरें आपातकालीन सरबंधत कार्यक्रमें दे समापन समारोह च हिस्सा लैता।
6. ते NTA दे परतियै होए दे NEET UG 2026 दी Provisional Answer Keys गी चनौती देने लेई Window खोली दिती ऐ।

<><><><><>

PM- Queen Maxima

प्रधानमंत्री नरेन्द्र मोदी होरें कल नमीं दिल्ली च संयुक्त राश्ट्र महासचिव दी वित्तीय मामलें दी विशेष सलाहकार नीदरलैंड दी महारानी मैक्सिमा हुंदे कन्नै मलाटी कीती। श्री मोदी होरें इक सोशल मीडिया पोस्ट च दस्सेआ जे मलाटी दरान उ'नें इस बारे चर्चा कीती जे भारत दी डिजिटल सार्वजनिक अवसंरचना कियां वित्तीय सेवाएं गी मता सुलभ ते कफायती बनाइयै जीने दी सौख बधाऽ दी ऐ ते लोकें गी व्यापक स्तर पर सशक्त बना रदी ऐ। प्रधानमंत्री होरें आखेआ जे भारत पूरे विश्व च भ्याल देशें दे कन्नै अपना अनुभव सांझा करने लेई प्रतिबद्ध ऐ।

<><><><><>

FIR Ram Temple

उत्तर प्रदेश दे अयोध्या च राम मंदर दान राशि दे कथित गबन मामले च बशेष जांच दल SIT दी शुरुआती रिपोर्ट दे आधार पर 8एं लोकें खलाफ FIR दर्ज कीती गई ऐ। एह कार्यवाही राम जन्मभूमि तीर्थ क्षेत्र ट्रस्ट दे सदस्य-कृष्ण मोहन हुंदी शकैत पर कीती गई ऐ। सूत्रें मुजब आरोपिणं खिलाफ गबन धोखाधड़ी ते अपराधिक

साज़िश कन्नै सरबंध्यत धाराएं तैहत मामला दर्ज कीता गेआ ऐ। दान राशि दे कथित गलत इस्तेमाल दे आरोप सामनै औने मगरा श्री राम जन्म भूमि तीर्थ क्षेत्र दे अनुरोध पर उत्तर प्रदेश सरकार नै 13 जून गी SIT दा गठन किता हा। SIT मामले दी व्यापक जांच करा दी ऐ।



Gadkari Highways

सड़क यातायात ते जरनैली सिड़क केन्द्री मंत्री नितिन गडकरी होरें कल नमीं दिल्ली च संघ शासित जम्मू-कश्मीर दे 2 ज्हार 35 किलोमीटर लम्मे राश्ट्रीय राजमार्ग ते संघ शासित लद्दाख दे 804 किलोमीटर लम्मी जरनैली सिड़के पर चला रदे निर्माण कम्मै दा जायजा लैता। इस दौरान उन्दे कन्नै मंत्रालय दे सिनियर अफसर/राश्ट्रीय जरनैली सड़क भारती प्राधिकरण ते NHIDCL दे अधिकारी बी मौजूद हे। राबता बेहतर करने आस्तै- जम्मू कश्मीर ते लद्दाख च केइयें जरनैली सिड़कें पर कम्म चला रदा ऐ। राश्ट्रीय जरनैली सड़कां/जम्मू-कश्मीर ते लद्दाख आस्तै बन्ने कन्नै लग्गदे संघ शासित प्रदेशें च सुरक्षाबलें दी तेज़ आओ-जाई च बड़ियां मददगार साबित होइयां न।

किश दिन पैहले गडकरी होरें श्रीनगर-लेह जरनैली सिड़कें पर ज़ोजीला टनल बारे लाई गेदी मीटिंग च बी शिरकत कीती ही जेदे पर 2028 बरे च कम्म मुकम्मल होई जाग ते एह जम्मू-कश्मीर ते लद्दाख मझाटै इक महत्वै आहला सड़क राबता बनी जाग।

एहदे नै श्रीनगर- लेह जरनैली सिड़क बरे च 12 म्हीनें आओ-जाई जोग बनी दी रौहग। एहदे नै नां छड़ा आम नागरिकें गी सगुआं सुरक्षा दे नज़रिये कन्नै बी फायदा पुज्जोग।

केन्द्री मंत्री होरें अफसरें ते कम्मै च लग्गी दीएं अर्जेंसिएं गी निगरान सरिस्ता तगड़ा करने/ निर्माण कम्म बेल्ले सिर पूरा करने ते ज़ोजीला टनल सनै जरनैली सिड़क कारीडोर गी बेहतर शा बेहतरिन करने दा आहवान कीता।



LG Gadkari

लैफ्टिनेंट गवर्नर मनोज सिन्हा होरें सिड़क ते जरनैली सिड़के आहले मैहकमें दे केन्द्री मंत्री नितिन गडकरी हुंदा राश्ट्रीय जरनैली सिड़क-44 दे दंऊ महत्वै आहले पुलें गी फही ब्हाल करने पर धन्नवाद कीता ऐ। अपने इक सनेहे च उ'नें आखेआ जे राश्ट्रीय जरनैली सिड़क-44 पर रावी ते सहर खड्डै पर बने दे दंऊ महत्वै आहले पुलें गी अमरनाथ यात्रा दे शुरु होने कोला पैहले तैयार करना इक बड़्डी खबर ऐ। एह पुल पिच्छले बरे हाड़ें करी तबाह होई गे हे ते हून इनें'गी सफलता कन्नै ब्हाल करी लैता गेआ ऐ। उ'नें केन्द्री सिड़क यातायात ते

जरनैली सिङ्क मैहकमे दे मंत्री नितिन गडकरी हुंदा महत्वै आहले इनें राबता पुलें दी ब्हाली लेई धन्नवाद कीता। इंदे नै अमरनाथ जी जाने आहलें श्रद्धालुएं दी सखल्ली आओ-जाई यकीनी कीती जाई सकोग।

<><><><><>

LPG

औद्योगिक ते व्यावसायिक LPG उपभोक्ताएं गी इक बड़्डी राहत दे तौरा पर सरकार नै Non-Domestic Packed LPG दी आपूर्ति पर सब्बै क्षेत्रीय बंदिशें गी हटाई दिता ऐ ते आपूर्ति गी पच्छमी एशिया संकट थमां पैहले प्रचलित स्तरें पर ब्हाल करी दिता ऐ। Petroleum ते प्रकृतिक गैस सरबन्धी मंत्रालय ने इक ब्यान च आखेआ ऐ जे संकट दी शुरुआत च गै बल्के LPG दी आपूर्ति पर रोक लाई गेदी ही ते हून खपत दे स्तर च 50 फीसदी दी ढील दिती गई ऐ जेहदे कन्नै व्यावसायिक ते औद्योगिक उपभोक्ताएं गी मती राहत थोई ऐ। एह ब्हाली LPG दी आपूर्ति दी स्थिति च मसां होए दे सुधारें दे मगरा कीती गई ऐ।

<><><><><><>

Shah- NCB

केन्द्री गृहमंत्री अमित शाह हुंदी प्रधानता च अज्ज नमीं दिल्ली च नार्को कोआर्डिनेशन सेंटर दी 10मीं उच्ची सतह आहली बैठक लग्गोग। नशीले पदार्थ दे नियंत्रण सरबन्धी ब्यूरो NCB आसेया आयोजित बैठक च केन्द्री मंत्रालयें/राज्य सरकारें ते नशीले पदार्थ दी रोकथाम कन्नै जुड़ी दियें अजेंसियें दे नुमायंदें देसै च नशीले पदार्थ दी तस्करी ते एदे गलत इस्तेमाल कन्नै निबड़ने दियें कोश्टें गी मज़बूत करने दे तरीकें पर चर्चा करगंन। इस मौके गृहमंत्री होर मादक पदार्थ दे नियंत्रण पर 2026-2029 दा दृष्टिकोण जारी करगंन- जिसी हितधारकें कन्नै व्यापक बचार-बमर्श करने परैन्त तैयार कीता गेआ ऐ। श्री शाह होर ब्यूरो दी 2025 बरे आहली सालाना रिपोर्ट भी जारी करगंन। जम्मू ते गुवाहाटी च नमीं बनाई गेदियें NCB क्षेत्रीय दफ्तरें दा उदघाटन बी करगंन।

<><><><><><>

Emergency

केन्द्री संस्कृति मंत्री गजेन्द्र सिंह शेखावत होरें कल नमीं दिल्ली च आपातकाल दे 50 बरे पूरे होने पर बरे भर आयोजित कार्यक्रमें दे समापन समारोह च हिस्सा लैता। एह कार्यक्रम आपातकाल दे उस दमनकारी दौर गी चेता करने ते लोकतांत्रिक मुल्यें गी सृदढ़ करने आस्तै आयोजित गतिविधियें दी श्रृंखला दा समापन समारोह हा। इस अवसर पर श्री शेखावत होरें “लोकतंत्र अमर रहे” ते “Digital District Repository ” प्रदर्शनियें दा दौरा कीता। सभा गी सम्बोधत करदे होई श्री शेखावत होरें आखेआ जे एह कार्यक्रम स्वतंत्रता संग्राम दे गुमनाम

नायकें गी श्रद्धांजलि देने- संवैधानिक लोकतंत्र गी मजबूत बनाने ते भारत दी सांस्कृतिक विरासत गी चेता करने लेई समर्पत हा।



Venezuela

वेनेजुएला दे राष्ट्री असेम्बली दे अध्यक्ष जॉर्ज रोड्रिगज होंरें ऐलान कीता ऐ जे भूचाल दे आए दे दो जोरे दे झटके कन्नै मृत लोकें दी गिनतरी 188 होई गई ऐ ते इक जहार 520 लोक जख्मी होई गेन ते 200 लोक अजें बी हेठ फसे दे न। रोड्रिगज होंरें दस्सेआ जे राजधानी कराकस थमां कोई 160 Km पच्छिम च इक दे बाद इक 7.2 ते 4.5 दी तीव्रता दे दो जोरे दे भूचालें दे झटके च तकरीबन 2 जहार 9 सौ 27 परोआरें अपने घरें गी गवाई दिता।



Muherram

अज्ज मुख दे बकख-बकख हिस्सें च आशूरा-ए-मुहर्रम पूरी मजहबी अकीदत कन्नै मनाई जा'रदी ऐ। एह ध्याड़ा हज़रत मोहम्मद हुंदे पोत्रे हज़रत ईमान हुसैन ते हुंदे साथियें दी शहादतें दा प्रतीक ऐ- जिनें करबला च सच्चाई ते न्याय लेई अपनियें जिंदे दा बलिदान दिता हा।इस मौक पर ताज़िया जलूस कड़्डे जागंन।



MEA

सरकारें पासपोर्ट दरखास्ती फीस च बाददा कीता ऐ। 36 पन्ने आहले नमें पासपोर्ट जां पासपोर्ट गी परतियै जारी करने तांई हुन 2 जहार 500 रुपे शुल्क लगोग। पासपोर्ट तरमीमी नियम 2026 पैहली जुलाई थमां अमल च आई जाग। नमीं बवस्था तैहत तत्काल श्रेणी च 36 पन्ने आहले नमें पासपोर्ट जां पासपोर्ट गी परतियै जारी करने दी लागत 5000 रुपे होग। 60 पन्ने आहले आम पासपोर्ट जां पासपोर्ट गी परतियै जारी करने तांई 3 जहार 5 सौ रुपे देने होगंन ते तत्काल श्रेणी लेई पासपोर्ट लेई ए लागत 6000 रुपे होग। मौजूदा समें च 36 पन्ने आहले पासपोर्ट दी लागत 1500 रुपे ते 60 पन्ने आहले दी लागत 2000 रुपे ऐ।



NTA

राष्ट्री परीक्षा एजेंसी नै मेदवारें आस्तै परतियै होए दे NEET UG-2026 दी Provisional Answer Key गी चनौती देने लेई Window खोली दिती ऐ। मैडिकल कालेज च दाखले दा एह म्तेहान इसै म्हीने दी 21 तरीक गी होआ

हा। NTA ने सोशल मीडिया पोस्ट च दस्सेआ जे Answer Key हून www.neet.nta.in पर उपलब्ध ऐ। मेदवार 28 तरीक तक्कर प्रति प्रश्न 200/- रपे शुल्क देइयै सवाल गी चनौती देई सकदे न। चनौती स्वीकार होने पर एह शुल्क वापस करी दिता जाग।

NTA ने परतियै होए दे इस म्तेहान च शामिल मेदवारें लेई शुल्क वापसी आस्तै अपने बैंक खाते दी पुष्टि ते अपडेट करने लेई बी इक पोर्टल खोलेआ ऐ। बैंक डिटेल इस महीने दी 30 तरीख तक्कर अपडेट कीती जाई सकदी ऐ।

<><><><><><>

J&K Zero Tolerance Policy

उपराज्यपाल मनोज सिन्हा होरें श्री अमरनाथ जी यात्रा 2026 दे संचालन च कुसै चाल्ली दी बी चूक बक्खी सिफर सहनशीलता आहली नीति अपनाने पर जोर भरेया। अनंतनाग जिले दे पहलगाम च सालाना यात्रा दियें तैयारियें दी समीक्षा आस्तै लग्गी दी इक उच्ची सतह आहली बैठक दी प्रधानता करदे होई उपराज्यपाल होरें शिव भक्तें ताई सुरक्षित ते यादगार यात्रा यकीनी बनाने आस्तै सुरक्षा/आपदा प्रबंधन ते होर दुए महत्वै आहले उपाएं पर इक्क व्यापक ते सांझे नज़रिये गी अपनाने दा आहवान कीता।

<><><><><><>

Read by	:	Pawan Verma
Stand by	:	Pankaj Kohli
D.E.O.	:	Rajni Devi
Skilled	:	Rajat Paul
Editor	:	Yogesh Sagota